



CARTABÈU DE SANTO ESTELLO – N° 11 1913 - 1914

*An, dau! plouren!
Mai, zóu! de voio!*

Mistral es mort!

L'ouro doulènto brutalamen a pica e nosto terro prouvençalo, subran atremoulido, s'es enmantelado de dòu, e la Franço entiero e tout l'univers que pènsò an pres sa part de nosto lagno espaventablo.

Lou Felibrige matrassa plego, desalena, s'oulo lou plus grand di mal-astre que lou pousquèsse estèrni.

Mistral es mort!

Noste Mèstre de Maiano, noste paire esperitau, noste Empeiraire dóu Soulèu, noste grand pouèto nous a quita; douçamenet, abandonant à la terro maire sa noblo despueio mourtalo, soun amo sublimo s'es envoulado vers lou trelus e, avèn d'acò la cresenço assoularello, trèvo aro noste azur pèr nous garda sa fegoundo prouteicioun.